



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Friderici Forneri Theologiae Doctoris Canonici Ecclesiae  
Collegiatæ diui Stephani Bambergæ, De Temulentia  
Malo, Eiusque Remediis, Variis Item Scitu Iucundissimis,  
nec non vtilissimis de rebus, quæ in ...**

**Förner, Friedrich**

**Ingolstadii, 1603**

Cap. XVI. Conuiuia Clericis & periculosa, & aliquando insuper prohibita.

**urn:nbn:de:hbz:466:1-45433**

in cibo potuq; conuersationes, vix ab omni lapsu immunes esse.

## CAPVT XVI.

Conuiuia clericis & periculosa, & aliquando prohibita.

**C**lericos à conuiujs, vtpotè quæ peccatis fecundissima sint, alienissimos voluere concilia & Patres. Concilium primò Laodicænum sic statuit. *Non oportet Ministros altaris vel quoslibet clericos, aut etiam Laicos Christianos, ex Symbolis, quæ vulgus comestitia appellat, hoc est quando plures contulerunt, ad Symposia facienda, conuiuia celebrare.* Hanc ob causam quoq; sexta Synod<sup>9</sup> clericis tabernarum ingressum & vsum voluit interclusum. *Nulli clerico liceat tabernam aut ergasterium habere. Si enim huiusmodi tabernam ingredi prohibetur, quantò magis ministrare in ea? Si quis verò tale quid fecerit, aut cesset aut deponatur.* Alibi etiam ex concilio Carthaginensi 3. denuò prohibetur, Ingressus in tabernas, edendi, vel bibendi causa, nisi peregrinationis necessitate. Nec non in concil. Carthaginensi quarto illis interdicitur conuiujs hæreticorum, & Schismaticorum: Et in concilio Agathensi, conuiujs nuptiarum.

Quare clericum Salubriter monet S. Hieronymus. *Conuiuia tibi vitanda sunt secularium, & maxime eorum, qui honoribus tument. Turpe est, ante fores Sacerdotis Christi crucifixi, & pauperis, & qui cibo quoq; vescebatur alieno, lictores consulum & milites excubare, iudicemq; prouinciæ melius apud te prandere quam ra clericorum.*

Can. 55.

habetur c.

Nó oportet

dist. 44.

Cap. 9. ha-

betur. Can.

Nulli cle-

rico dist.

44.

Clerici

prohiben-

tur ingredi

tabernas.

Cap. 27.

habetur

Can. Cle-

rici,

c. 70. ha-

betur Can.

Clericus

24. 9. 3.

C. 39. hab.

byteri dist.

34.

Epistola ad

Nepotia-

num de vi-

ra clerico-

rum.



quam in palatio. Et addit paulò post. Quod si obtende-  
ris, te facere hæc, vt roges pro miseris atq; subiectis; iu-  
dex sæculi plus deferet Clerico continenti, quàm diuiti;  
Et magis sanctitatem tuam venerabitur ac opes. Aut si  
talis est, qui non audiat Clericos, pro quibuslibet tribu-  
lantibus, nisi inter phyalas, libenter carebo huiuscemodi  
beneficio & Christum rogabo, pro iudice, qui magis &  
citius subuenire potest, quàm iudex. Melius enim est, con-  
fidere in Domino, quàm in homine. Melius est sperare in  
Domino quàm confidere in principibus. Hæc Diuus

Epist. ad  
Fulconem.

Hieronymus. S. Bernardus, omnem conuiuiorum  
luxû, interdicit clericis, hisce verbis. Bene facis, si Ec-  
clesiæ præbendâ gratis non accipis. Dignû est, vt qui altari  
de seruit, de altari viuatur. Conceditur ergò tibi, vt si bene  
de seruis, vt de altari viuas, non autē vt de altari luxurie-  
ris. Et inferius paulò, eodem loco. Deniq; quicquid  
præter necessarium victum, ac simplicem vestitum de al-  
tari retines, tuum non est, furtum est, rapina est, sacrile-  
gium est. Quid tum quando ad luxum atq; ad su-  
perflua conuiuia impenditur? annon magis, quàm  
furtum est? quam rapina est? quàm sacrilegium est?  
Iudicio Diui Bernardi. Quod si aliquando clericis  
conuiuia sint adeunda atque aliter fieri non possit.  
quid ager? Præter id quod sequenti capite suggeram  
consilium, audiendi sacri canones, atq; obseruandi.

C. 16. Repe-  
titur de  
consecrat.  
dist. 5. Can.  
Nullus.  
Clerici ad  
conuiuium  
vocati quo  
modo se

Sic ergò præcipit concilium Nannetense. Nullus  
presbyterorum, quando ad anniuersarium diem, trigesi-  
mum vel septimum, vel tertium alicuius defuncti, aut  
quacunq; vocatione, ad collectam Laicorum conuenerit,  
se inebriare vllatenus præsumat; Nec precatus in amore  
sanctorum, vel alicuius animæ, bibere, vel alios ad biben-  
dum cogere, vel se aliena precatione ingurgitare. Nec  
plausus & risus inconditos, & fabulas inanes ibi refer-  
re, aut



re, aut cantare præsumat, vel turpes iocos, vel vrsu vel  
 tornatricibus ante se feri patiatur: Nec laruas Dæmo- gere  
 num ante se ferre consentiat, quia hoc diabolicum est, & debeant.  
 à sacris canonibus prohibitum. Adhibenda quoq; ea  
 cautela, ne vocatus quidem, sæpius, sed rarissimè ad  
 conuiuia veniat, iuxta id, quod monet S. Hierony-  
 mus, præallegato loco. Facile, inquit, contemnitur cle-  
 ricus, qui sæpè vocatus ad prandium, ire non recusat. Epist. ad  
 Nepotem.  
 Nunquam petentes, rarò accipiamus rogati. Beatius enim  
 est magis dare, quàm accipere. Nescio enim quomodo et-  
 iam ipse qui deprecatur: vt tribuat, cum acceperis, vilio-  
 rem te iudicat: Et mirum in modum, si eum rogantem  
 contempseris, plus te posteriùs veneratur.

Cap. 7. ha-  
 betur dist.  
 44. c. pro  
 Reueren-  
 tia.  
 Clerici  
 qua ratio-  
 ne conui-  
 uia inter  
 sese debe-  
 ant agita-  
 re.

An verò clericis inter sese conuiuia liceat insti-  
 tuere? permissum est, obseruato, quod concil. Tole-  
 tanum tertium præscribit. Eius hæc sunt verba. Pro  
 Reuerentia Dei, & sacerdotum, id vniuersa sancta con-  
 stituit Synodus, vt quia solent crebrò mensis ociosæ fabu-  
 le interponi, in omni sacerdotali conuiuio, lectio diuina-  
 rum scripturarum misceatur. Per hoc enim animæ adifi-  
 cantur ad bonum, & fabule nõ necessariae prohibentur.  
 Atq; hæc, ex sacris conciliis & canonibus deprom-  
 pta in conuiuiorum aditu atq; actu obseruent, quod  
 vt eò promptius fiat, sequens consilium non erit  
 inutile.

## CAPVT XVII.

Qua ratione conuiuia sine peccato adiri queant,  
 præsertim à Clericis?

CVM tot peccatorum sordibus, vt plurimum  
 contaminata soleant esse conuiuia, præmon-  
 strandum, quomodo innoxie, atq; inoffenso pede,  
 frequentari possint à clericis,

Pri-